

- Hélène** *(Un mio Caud'line.)*
J'ai eune invitation pour à sésé à l'Hôtel du Mont. Ch'est avec un
mossieu qu'a tè hors Jerri bein d's années.
- M-D-L-C** Jamais!
- Hélène** A 7 heuthes je sis pour lî recontrer et j'allons dîner en style.
- M-D-L-C** *(Soupçonant tchiquechose.)*
M'as tu dit qu'il a té hors de Jerri, tant gallant?
- Hélène** Oui, pour des années et des années mais je crai qu'il m'trouve pus à
san goût que les négresse dé voir qui veint! Il est presque millionaithe,
et veint d'accater la belle 'maison des Grasdos'. Mais ch'n'est pas
tout chenna – il est temps que je m'ermette en c'mîn pour faithe mes
prepathatis pour la grande séthée.
- M-D-L-C** Pas si vite Hélène – je comprends l's affairthes – le Bill Lêcaudey
est 'ervenu, je pathais.
- Hélène** Tu as tréjours te trop maline pour mé, mais tu n'as pon d'intéthet dans
Bill àch't'heu que tu'as oui les vouaix.
- M-D-L-C** Y-a-t'i' longtemps qu'il est r'venu?
- Hélène** Un couplye dé Jours, mais j'n'ai pas perdu d'temps.
- M-D-L-C** Dit mé, a't'i changi fort?
- Hélène** Naturellement il a vieilli un mio, et l' n'a qu'un bras, car l' perdit san bras
gauche quand l' fut attachi pas un crocodile – l' s'en va aver un bras
artificiel et i's'a aussi bouan comme le sien de drulette.
- M-D-L-C** A't'i' d'mandé pour mé?
- Hélène** Oui, mais quand j'lî dis que tu ouiyais des vous lyi et allais passer le
restant d'tes jours au liet j' tait vraiment déchu car il avait tant envie
det'vaie mais j' s'mint à rithe comme un bossu... Et bein à bétôt XXXX
j'crithai à t'vaie.
- M-D-L-C** *(Abattue.)*
À la prochaine Hélène.
(Hélène sort et Rachelle sonne la clioche pour Lise.)